

դւարդիականների կողմից, որոնք, սովորաբար, մնում էին անպատիժ իրենց արարքների համար: Անտանելի էր հայերի դրուժիւնը, մանաւանդ, հայկական սահմանին մօտ գտնուող վայրերում, ուր ճնշումներն ու կամայականութիւնները պատերազմից յետոյ էլ չվերջացան: Այսպէս, Բոլնիս-Սաչչն գիւղը վրաց գօրքի կողմից գրաւելու ժամանակ, բնակիչները թողին-հեռացան՝ չկարողանալով տանել որևէ բան: Գիւղում մնացին մի քանի չքաւոր ընտանիքներ, ծերեր ու որբեայրիներ: Գիւղը գրաւելուց յետոյ կարմիր դւարդիականները անցան թալանի ու բռնութիւնների: Թալանեցին ամէն ինչ, ուտելիքներ տարին կաղամկերպւած կերպով: Տարին հաց, ցորեն, դարի, գետնախնձոր, լոբի, ընկոյզ, հազուստ, կարի մեքենայ, պղնձեղէն, երկրագործական պիտոյքներ, արծաթ և ոսկի իրեր, կահ-կարասիք, նոյնիսկ բարձերի փետուրը թափեցին և կտորը տարին: Ինչ որ չկարողացան տանել, ոչնչացրին: Փչացրին տների դռները, պատուհանները, կարասիքը, մեղրի փեթակները: Տարին կենդանիները՝ կով, ձի, եզ, գոմէչ, ոչխար, հաւ, սագ: Զինւորներն ու սպաները խմում էին գինի և օղի, քէֆ էին անում: բռնաբարում էին գիւղում մնացած կանանց և աղջիկներին: Յետոյ, բոլոր գիւղացիներին, առանց սեռի և հասակի խտրութեան, հաւաքեցին մի նկուղ և պահեցին իբրև գերի: Կանանց մի քանի օրից յետոյ բաց թողին, իսկ այր մարդկանց պահեցին երկու շաբաթ և ազատ արձակեցին միայն յուն. 13-ին: Այդ երկու շաբաթւայ ընթացքում գիւղը մաքուր կերպով թալանեցին ու հաւաքած իրերը փոխադրեցին Եկատերինֆելդ, այնտեղից էլ թիֆլիս:

Յուն. 18-ին Բելիյ-Կլիւչ մտաւ վրացական Չրդ հեծեալ գունդը, որից յետոյ սկսեցին բռնութիւններն ու թալանը: Զինւորները զանազան պատրւակներով մտնում էին գիւղացիների տները և առնում աչքը տեսածը: Ամենից առաջ թալանեցին բոլոր հայ դաղթականներին. բռնաբարում էին կանանց: Գիւղացիները զանգատեցին շրջանի կոմիսարին և գօրամասի պետին—ապարդիւն: Բելիյ-Կլիւչից թալանը տարածւեց և շրջանի գիւղերը՝ Սամգրէթ, Վայխուն, Շամշուլա, ուր տեղի ունեցան ծեծ ու բռնութիւն:

Սակայն, ամենազուլի դէպքը պատահեց Բելիյ-Կլիւչի կենտրոնը գտնուող ամառանոցում. գիշերւայ ժամը 1-ին մի խումբ զինւորներ մտան որբանոց և կին պահանջեցին իրենց համար: Որբանոցի ծառայող չափահաս կանայք փախան: Զինւորները սկսեցին ծեծել որբերին և պահանջել, որ ցոյց տան փախածների տեղը: Ասլա բռնաբարեցին 10—12 տարեկան երկու որբուհիներ ու հեռացան: Երկու օր յետոյ կրկնեց նոյն պատմութիւնը. դարձեալ ծեծ ու բռնաբարութիւն: Որբանոցի վարչութիւնը դիմեց տեղական իշխանութեան, բայց այդ դիմումը թողնեց անհետևանք:

Այսպիսի քսամների տեսարաններով լեցուն են թիֆլիսի այն օրերի մամուլի էջերը, բայց գիրքը չձանրաբեռնելու համար՝ սահմանափակենք այսքանով: Այս անտանելի դրութիւնը ստիպեց Վրաստանի Սորհրդարանի հայ պատգամաւորներին հարցապնդում ուղղել կառավարութեան: Եւ ի՞նչ.